

欽定古今圖書集成

方輿彙編職方典



欽定古今圖書集成方輿彙編職方典

第四百三十九卷目錄

河南府部彙考十三

河南府古蹟考四

陵墓附

河南府部彙考十三
職方典第四百二十九卷
河南府古蹟考四
陵墓附
府志

職方典第四百二十九卷

河南府部彙考十三

河南府古蹟考四 陵墓附

府志

本府 洛陽縣附郭

殷王塚 在成周東北故洛陽城中見漢書司

隸志

周景王陵 在古洛陽太倉中秦封呂不韋洛

陽十萬戶大其城并圍景王塚見通考

靈王陵 按王塚在府城西南柏亭西周山上

今三山有斷碑云周王陵是也

威烈王陵 在洛陽縣東金鋪城東北隅見漢書司隸志

定王陵 悼王陵 敬王陵 在縣西南柏亭

東北三王陵或言周景王悼王定王也崔浩謂定當作敬夫景王已葬翟泉此陵無景王已明或有謂景當作敬酈道元又據東征賦辨其為誤竊意敬景音相近景既不在此其為敬無疑矣東征賦非為考此陵而作亦何容過泥為也

漢昭帝陵 在城東平落堡見通志按昭帝崩於長安不應葬此不知通志何所據也

明帝顯節陵 方三百步高八丈帝王世紀曰故富壽亭也西北去洛陽三十七里后馬氏伏波女合葬於此見漢書俗稱為大漢塚云

章帝敬陵 方三百步高六丈二尺帝王世紀曰在洛陽東北三十九里后竇氏合葬見漢書俗稱二漢塚即此

和帝慎陵 方三百八十步高十丈帝王世紀

曰在洛陽東北四十一里后董氏合葬見漢書
古今註俗稱三漢塚即此

殤帝康陵 方二百八十步高五丈五尺帝王
世紀曰去洛陽四十八里見漢書古今註

安帝恭陵 方二百六十步高十五丈帝王世
紀曰在洛陽十五里后閻氏合葬於此見漢書
古今註

順帝憲陵 方三百步高八丈四尺帝王世紀
曰在洛陽西北十五里后梁氏合葬於此見漢

書古今註

冲帝懷陵 方一百八十二步高四丈五尺帝

王世紀曰西北去洛陽十五里伯牙有懷陵操
見漢書古今註

質帝靜陵 方三百六十步高五丈五尺帝王

世紀曰在洛陽東三十三里見漢書古今註

桓帝宣陵 方三百步高十二丈帝王世紀曰
在洛陽東北三十里后竇氏合葬於此見漢書

古今註

靈帝文陵 方三百步高十二丈帝王世紀曰
在洛陽西北二十里后宋氏誣呪死歸葬宋
氏舊塋臯門亭見漢書古今註

郭后陵 光武后建武二十八年崩葬北邙山
陰后陵 和帝后以巫蠱事廢遷桐宮葬臨平
亭見通志陰后傳

李氏墓 安帝恭人生皇子保為閹后鳩殺葬
洛陽北見後漢閹后傳
梁后懿陵 桓帝后延熹二年后以憂恚崩是

歲誅梁冀追廢后為貴人見通志梁后傳

鄧后陵 桓帝后也梁后崩鄧氏為后后特尊
驕忌與帝所幸陰貴人相譖訴八年廢后送暴
室以憂死葬北邙山見通志鄧后傳

陽城王墓 名祉字巨伯光武族兄建武二年
封陽城王葬洛陽北邙山見後漢本傳

楊貴人墓 楊以恭之女為清河孝王慶之貴
人後坐巫蠱事下暴室飲藥卒葬於洛陽北樊
濯聚見後漢清河王傳

魏明帝高平陵 在縣南九十里大石山見三省通鑑

高貴鄉公墓 在洛陽瀍水之濱

晉武帝峻陽陵 在洛陽見晉書

宣帝高原陵 在洛陽后張氏合葬於此

惠帝太陽陵 在洛陽東南見通書

元魏世宗景陵在洛陽北邙山魏世宗宣武帝

葬於此見唐記三省註

後梁太祖宣陵 在洛陽伊闕東南今俗稱曰

朱家陵

少帝陵 在伊闕東南嵩縣亦載之

後唐明宗徽陵 在洛陽東北十里今護駕莊

地

宋康陵 在縣谷水南見文獻通考

商彭婆墓 商賢大夫老彭母卒葬於此彭婆

鎮因此得名

戰國貞節樂羊夫人墓 在洛陽縣北邙山樂

羊子之妻拒盜自刎郡守葬之因以為名

秦呂不韋墓 在城東北不韋飲鳩卒賓客竊其屍葬北邙山括地志云道西大塚是也
漢張子房墓 在洛陽東南碑樓堡見郡志
陳平墓 在洛陽縣東南碑樓堡
雍齒墓 在城東齒封什方侯
丁公墓 在洛陽東北郭丁公爲項羽逐及高祖舍之及羽滅帝以公事項不忠遂斬之葬此
朱買臣墓 東封之歲洛陽平御路北市東南隅得銘乃漢丞相長史朱買臣墓誌銘

鄧晨墓 在北邙山晨漢光武功臣帝姊新野公主之夫也先是公主遇害死及晨卒詔公主魂合葬於此見漢書

祭遵墓 在洛陽北邙山遵潁陽人漢大將軍委身於國臨死遺誠牛車載喪薄葬洛陽

祭彤墓 在城北爲偃師長

鄧訓墓 在城北邙山禹之子封平壽侯

班超墓 在府城北邙山封定遠侯

崔瑗墓 瑗濟北王相臨終命其子實曰人死

歸神於天還骨於地不可不藏形勿歸鄉里子
實奉遺命葬於洛陽城東

劉寬墓 在城北邙山寬太尉塚上有三碑皆
故吏門生所立

范丹墓 在城西金水堡累辟不就卒諡貞節
何進墓 在城西北杜村堡進漢大將軍

安定真墓 定真善筭術成帝時常自筭其年
七十三至期果死又曰北邙青隴上孤櫬之西
四丈鑿七尺吾葬地也真死依言往掘得古時

空榔卽葬焉見兩京雜記

僧摩騰 僧竺法蘭墓 俱在白馬寺中

蜀漢關左將軍墓 漢左將軍關公曹操以王

禮葬於洛陽南十五里今關王塚是也

晉王司徒墓 博物誌東都菹業坊十字街有

王戎墓隋時釀酒家穿其旁作窖得銘曰晉司

徒尚書令安豐侯王君墓

王祥墓 在城西北邙山王祥晉人性至孝官

至太保疾篤遺令曰西邙土至堅勿甃石無起

墳壠

羊祜墓 在洛陽北邙山見博聞錄

張華墓 在洛陽修義坊見京洛朝市圖

韓延之墓 延之字顯宗赧陽人魏司徒暨之

後也因謂其子曰河洛三代所都朝廷必當居
此我死不勞迴代葬也即可就此從其言遂葬

顯宗於此

石崇墓 在洛陽邙山崇晉時衛尉

裴楷墓 在洛陽修義坊見京洛朝市圖

陳壽母墓 在洛陽北壽安漢人張華舉孝廉

補陽平令以母柩遠定葬此

關朗墓 在城東南關莊按誌銘考之乃關子

明之墓也

後魏王肅墓 在城北邙山肅揚州刺史封安

國侯卒諡宣簡

馮熙墓 在城南

魏京兆郡君墓 姓皇甫氏安定臨淮人魏靈

太后母其夫安定郡公官至太保卒俱葬此

李冲墓 冲後魏人魏主令葬冲於洛陽東近
杜預塚見唐三省志

隋陳後主墓 隋仁壽終於洛陽時年五十二
贈大將軍封長城縣公諡曰煬葬洛陽北邙山
非煬帝也

陳柳后墓 宣帝后也隋大業間薨於東都葬
於邙山

唐姚崇墓 按舊志萬安山之下有唐姚崇宋
范仲淹之墓在焉山堂肆考云唐姚崇孫自爲

壽藏於萬安山麓祖塋之旁兆曰寂居穴壙曰
復真堂中剝土爲臺曰化臺則姚公墓在萬安
山可無疑矣今失其處土人相傳舊有墳在范
文正公之旁內有龍碑二十七若非德業如姚
公烏有如是之多乎著之於此使後人有所考
庶不至終於泯沒也已

尉遲敬德墓 在城東邙山之陽敬德唐大將
封鄂國公

狄梁公墓 在洛陽東金鏞城唐宰相梁國公

狄仁傑卒葬於此

魏國公墓 在洛陽東白馬寺後公名威信字

國寶周宰相魏仁浦第三子附馬都尉舊志謂

唐魏徵墓傳者之誤也

喬知之墓 在洛陽城北邙山知之右司郎中

一曰唐補闕

劉幽求墓 在洛陽縣東北鳳凰堡唐為左僕

射平章後為刺史封徐國公

張建封墓 在城東南四十五里寇店東建封

仕唐為尚書僕射武寧軍節度使卒葬於此白

樂天詠建封妾關盼盼詩云有人新自洛陽回

曾到尚書墓上來即此見青臺集

白侍郎墓 在洛陽龍門左香山上談錄云弟

敏中奏立神道碑李義山文

裴遵慶墓 在范文正公墓西考神道碑云唐

故尚書僕射贈司空裴府君名遵慶字少良聞

喜人卒葬於萬安山之舊塋碑係隸書字可讀

者十分之七

孟郊墓 在洛陽東鳳凰保郊仕唐漂陽尉道
卒闕鄉縣歸葬此韓昌黎誌其墓

賈島墓 在伊闕之東山墓碑見存

權德輿墓 在城北上店保德輿贈尚書左僕
射

石洪墓 在城北邙山洪處士韓愈有墓誌銘

盧於陵墓 在城南康莊保於陵處士卒葬於

此

裴復墓 在城北復為河南尹

李虛中墓 唐殿中侍御史元和八年卒葬洛
陽縣之北見韓文

薛守恩墓 在城北上店保守恩唐時超授鐵
林都指揮贈太子少傅

董溪墓 在城南偏橋保溪字惟深商州刺史

齊杭墓 在城東權德輿撰其碑見碑記

崔援墓 駟之子在洛陽

慕容詢墓 在洛陽利仁坊見京洛朝市圖詢

後周人

何復進墓 在洛陽西北杜村保後周行營兵馬副指揮使贈中書令

馮道墓 在洛陽東南碑樓保道中五代歷仕累朝不離將相自號長樂老卒葬於此見括地志

宋李後主墓 在北邙山卽南唐後主李煜也宋開寶中曹彬俘於汴京封違命侯太平興國三年卒葬於此

苗藩墓 在洛陽平陰源藩爲太守參軍

石守信墓 在洛陽西北上店保宋太祖開國

功臣太宗朝爲使相今碑兒窪之大塚是也

曹彬墓 在城北彬樞密使追封濟陽郡王諡

武惠

武衛大將軍李琪墓 在城東南伊闕

忠武節度使諡武惠潘美墓 在城西

曹玘墓 在城西北杜村保曹彬第六子仕宋

爲虞部員外郎贈太師尚書令兼中書令

禮部尚書范雍墓 在城東南

張詠墓 在城東三十里天皇嶺駱駝峰正統
間御史周濟相壙得方石係宋張詠墓誌

宋侍御史吳蒨墓 在城南伊樊里

寇萊公墓 天聖元年閏九月故相萊國公寇

準卒於雷州詔許歸葬西京

呂文穆公墓 在縣南金石鄉奉先里富弼撰

其碑

呂夷簡墓 蒙正之姪封許國公

呂公著墓 夷簡次子封申國公

韓魏公墓 在韓家窪

丞相張商英墓 在碑樓保大徼村

范文正公墓 在洛陽彭婆保萬安山下公仕

宋官至參知政事卒贈太師魏國公諡文正歐

陽修作碑其子將仕郎純佑孫將仕郎正臣單

州團練推官正思忠武軍判官正平處士正路

知衢州正已鳳翔府知府正夫龔城縣簿正謨

會孫承務郎直雍朝奉郎直彥朝奉大夫直情

知陝州封文安縣開國男直方京畿留守司朝

官直愚俱耐葬公之壠次

皇清康熙三十三年河南太守孫居湜重修建享堂

三間左右耳房六間大門一間

范忠宣公墓 文正公第二子歷官尚書左僕

射卒贈太師許國公諡忠宣耐葬萬安山畢仲

游為之誌墓勅賜墓碑曰世濟忠直云

范恭獻公墓 文正公第三子官至上柱國資

政殿大學士諡恭獻繪像徽宗神制殿葬萬安

山

范純粹墓 文正公第四子官戶部侍郎知河

南府贈宣奉大夫葬萬安山

韓國公富弼墓 在城西金谷鄉

太師潞國公文彥博墓 在城南府店保諡忠

烈塋中有二塚居上者乃封公也下是潞公墓

車騎大將軍胡國珍墓 在縣北

郭將軍墓 在周家營

趙郎中墓 在縣賢相鄉趙名未詳係虞部郎

中

吳豫墓 在金谷鄉

虞國公墓 在伊闕上翁仲在焉

御史中丞呂誨墓 字獻可葬于洛司馬光誌其墓

程琳墓 在縣伊闕神陰鄉張苗里琳仕宋累官至平章事諡文簡卒葬於此

程珣墓 在城南府店保

趙從約墓 在縣西北杜村保宋刺史贈建寧節度使

楊楷墓 在縣東平樂保字次公仕宋爲左諫議大夫歐陽修作誌

楊琦墓 在城西北杜村保供備庫副使歐陽修誌

程明道墓 程伊川墓 在龍門南五十里宋哲宗勅賜葬地一頃二十畝世遠人侵後十八代孫程穉祖奏明查出地三頃見今瞻塋歲不起科永爲令典

皇清康熙三十四年河南南府知府孫居湜捐俸併募

闔省官紳重修

楊諫議墓 在縣東平樂里宋諫議大夫楊次公子也見總志

富秦公墓 在縣北張村甲馬原

梁竦墓 在城西括地記

元希亮墓 在城北亮仕宋官至太常少卿

元齊王墓 在縣西谷水保元察罕帖木兒以兵圍益都為王士誠所刺勅葬此

淮陽王墓 在縣東平樂保即元伯顏察兒為

湖廣等處行中書省平章政事封薊國公贈淮陽王卒葬於此

明伊厲王墓 在縣西五十里邨山上妃劉氏合葬

伊簡王墓 在縣西南三十里三山之陽妃謝氏合葬

伊安王墓 在縣東北一十里邨山之陽妃張氏合葬

伊悼王墓 在縣西六十里魏山上妃馬氏合

葬

伊定王墓 在縣西北十里上店保乾山之陽

妃沈氏合葬

伊莊王墓 在縣西北五里上店保乾山之陽

西鄂安僖王墓 在縣北十里妃李氏合葬

光陽榮靖王墓 在縣西三十里妃孫氏合葬

西鄂恭靖王墓 在縣北二十里妃郭氏合葬

福忠王墓 在縣西北十五里金水河上岷

侍郎李郁墓 在城北邙山之麓

都御史畢亨墓 在城南梁村太師劉健誌其墓

御史閻禹錫墓 在邙山之麓

總督張松墓 在邙山之陽文淵閣大學士張

四維誌其墓

布政使史簡墓 在邙山太師劉健誌其墓

贈順天府通判豐厚墓 在邙山太師劉健誌

其墓

太師劉健墓 在城東邙山之麓

尚書翟瑄墓 在邙山

副使潘瑄墓 在邙山之原

副使翟廷蕙墓 在邙山

贈兵部郎中路受墓 在邙山鳳凰保

贈兵部員外喬昇墓 在邙山

贈兵部主事孫浩墓 在邙山之陽狀元呂明

誌其墓

贈監察御史潘顛墓 在邙山侍讀崔銑誌其

墓

贈監察御史劉寰墓 在洛山南東侯里

按察使張瀾墓 在史家灣北

知州孫玘墓 在邙山

推官李祥墓 在邙山

知縣丁宏墓 在邙山

知縣潘凱墓 在邙山

行太僕寺卿張文墓 在瓦窰溝

知縣吳瀛墓 在邙山海子村

尚書孫應奎墓 在邙山奉勅有司開壙營城

西川尤先生墓 在洛西澗之陽翰林修撰張元怵誌其墓銘曰嗚呼此河南西川尤先生之墓先生嘗仕於朝為戶部主事矣而其鄉之人被服於先生之教最久故共稱為西川尤先生而不以其官於其歿也亦以此題其墓此鄉人意也

尚書沈應時墓 在邙山之麓

尚書董堯封墓 在邙山之陽

都御史溫如璋墓 在城西澗水東

按察使劉廣業墓 在邙山

叅政李士登墓 在邙山

曹節婦墓 在火燒街西北後里人慕其節春秋嘗為墓祭今其墓被田者所侵尚存一塚

布政楊歸儒墓 在邙山之麓

按察使劉衍祚墓 在邙山

尚書魏養蒙墓 在城東五里堡勅修

叅政秦道顯墓 在鷄店西

知縣何篋墓 在鳳凰保

參政張以謙墓 在北窰東少師顧秉謙誌其墓

贈太僕寺卿郭公墓 在城東北平樂保翰林王鐸誌其墓

偃師縣

商成湯陵 在治東北山上或云葬亳北濟陰

魏首陽陵 在治西首陽山因名魏黃初六年

六月戊申葬文帝於此見魏紀

唐中宗陵 在治東

敬宗陵 在縣治景山上號恭陵

昭宗陵 在縣治南號和陵見一統志

商阿衡伊尹墓 在治西十里新寨本傳云葬

於西亳去湯塚七里

殷伯夷叔齊墓 一統志云在治西首陽山

周萇弘墓 在治東孫家莊保周人殺弘葬此

事見本傳

漢田橫墓 在治西十里伊尹墓西漢高帝招

橫至此並二客皆自殺以王禮葬之

高密侯墓 失考

魏鍾繇墓 在治東

偃師伯王弼墓 在治東三里許

晉當陽侯杜預墓 在治西北十餘里土樓村

預晉名臣晉書載預之遺命曰吾去春入朝自

表營洛陽城東為將來兆雖未足比邙山然東

奉二陵西瞻宮闕南觀伊洛北望夷齊曠然遠

覽情之所樂故遂表樹開道為一定之制至時

當用洛水圓石

唐睢陽太守許遠墓 在治西寺莊保肅宗時

與張巡守睢陽安祿山亂尹子奇陷城巡死生

致遠於洛陽至偃師不屈而死葬此

監察御史顏真卿墓 在治北一里許德宗時

命問罪於李希烈至大梁希烈殺之瘞城內希

烈敗家人啓柩葬之於此

太師崔暹墓 在治東北邙山上有劉禹錫撰

墓碑柳公權書

褚遂良先塋 在江村即唐宰相遂良歷代之

墓

考工員外郎盧東美墓 在緱氏梁國原元和

二年葬韓愈撰墓誌

開國公贈尚書左僕射李異墓 在緱氏芝田

鄉元和四年葬權德輿誌其墓

越州刺史薛戎墓 失考

臨洛縣尉清河崔廣墓 在邙山上李孝嗣誌

其墓

河中法曹張圓墓 在緱氏高龍原元和五年

葬韓愈誌其墓

與元少尹房武墓 在土樓村元和六年葬韓

愈誌其墓

工部員外郎杜甫墓 在土樓村元和八年葬

元稹誌其墓

開國公贈太子太保蔣煥墓 在治西北三里

許慶曆十三年葬崔祐甫誌其墓

淮陽節度使李珣墓 在治西北有碑記

銀青光祿大夫彭王徐公墓 在治西寺莊保

開封儀同三司太子太師上柱國贈齊國公侯公墓 在治西北石橋保

國子司業竇牟墓 偃師人在治西寺莊保

節度使上柱國贈隴西開國公黃公墓 在高

龍保

節度使贈太師諡忠齊王張繼祚墓 在高龍

保

戶部郎中魏弘簡墓 在治西

尚書令兼中書柱國封陳國公馮公墓 在寺

莊保

左拾遺竇府君墓 在石橋保

永興軍節度使劉公墓 在石橋保

許州叅軍盧顛墓 在景山鄉

僧懸裝墓 在緱氏白鹿原

宋太學博士劉絢墓 偃師人在治西寺莊保

諫議大夫范祖禹墓 在治東洛南鄉土中村

天地原正德間有人伐之毀其誌

金程氏先塋 在官莊村少中大夫程德元所

葬其子臺諫御史震孫廉訪使思廉等凡四世
三十八柩並祔葬焉有雷淵元好問王思廉撰
碑

諫議大夫陳孟溫墓 在蔣村

文忠公陳天祥墓 在蔣村

祕書監丞陳用忠墓 在蔣村

元光祿大夫贈梁國公李景昌墓 在治西寺

莊保

明高氏先塋 在顧縣西南廣二十餘畝俗呼

為高家斜紹興太守高公先代之墓

紹興太守高公資墓 在白雪山之陽

秦府長史高公進墓 在白雪山之陰

工科都給事中高斐墓 在白雪山之陰

吏科給事中李暢墓 在楊村

湖廣布政司右布政詹士華墓 在治東十里

山東按察司僉事景仲先墓 在治東五里邨

山之麓

勅封監察御史景端墓 在治東

誥封戶部郎中高公經墓 在轅轅緱氏之陰

中憲大夫慶遠府知府高惟孝墓 在治西北

三里邨山之麓

贈奉政大夫戶部郎中藺芑墓 在治北五里

邨山上萬曆十一年葬

中憲大夫陝西布政司叅政張蒲墓 在治西

七里

贈真定巡撫副都御史張時中墓 在治南四

十里溝岸

平定州知州張其治墓 在治東二里

奉直大夫鳳陽府同知史可述墓 在治北部

山上

中憲大夫衡州府知府藺完植墓 在治北部

山上

太原縣知縣王世業墓 在治西北二里邨山

之麓

贈少師禮部尚書諡文安公王鐸墓 在治東

二十里石家莊

江南松江府知府張鈔墓 在治西北五里邨山之麓

贈修職郎行人司行人藺獻徵墓 在治東北

五里邨山上

鞏縣

宋永安陵 在縣西南隄東保宋太祖父宣祖

昭皇帝葬此

永昌陵 在縣西南隄東保宋太祖皇帝葬此

永熙陵 在縣西南隄東保宋太宗皇帝葬此

永定陵 在縣東蔡家莊真宗皇帝葬此去昌

陵北十里許

永昭陵 在縣西南孝義保宋仁宗葬此去定

陵西北五里許

永厚陵 在縣西南孝義保宋英宗皇帝葬此

去昭陵西一里許

永裕陵 在縣西南隄東保宋神宗皇帝葬此

去昭陵西三里許

永泰陵 在縣西南隄東保宋哲宗皇帝葬此

去昌陵三里許

末祐陵 在縣西南徽宗北狩同欽宗梓宮南

還葬此

漢黃霸墓 在芝田鎮

薄仲深墓 在趙封保陳州知州明初人

宋遂國公墓 在縣西南羅口保太宗之孫諡

昭裕

高密侯墓 在縣西南羅口保太宗曾孫

武當侯墓 在縣西南羅口保舒國公惟忠之

子

駙馬高懷德墓 在蔡家莊

三蘇塚 在蘇家莊其莊蘇秦莊也

原良墓 在原良村西南二里

田真 田廣 田慶墓 在縣西孝義保

龍圖閣學士包拯墓 在縣西孝義保

狀元宰相蔡齊墓 在縣南羅口保

元知州薄七墓 在趙村保

狄青墓 在羅口保

元清河郡侯張恩墓 在縣南坊郭保

安撫使邱君墓 在羅口保先尹是邑沒後葬

此元人也

明通政魏敏墓 在坊郭保

御史竇祥墓 在坊郭保

叅議劉登墓 在黃冶村

提學副使馬隆墓 在神隄保

永年知縣張可久墓 在坊郭保

獻縣知縣趙景星墓 在蔡家莊

皇清陝西莊浪道按察司僉事范芝墓 在涉村

遵化縣知縣范蓋墓 在涉村

孟津縣

漢世祖陵 在縣西北

梁孝王墓 在東關外

春秋冉子伯牛墓 在縣西耕子溝

戰國將軍袁達墓 在梁周寺南

西漢樊噲墓 在相畱樊山下

東漢劉盆子墓 在原陵東按史赤眉連兵東

向光武嚴陣以待赤眉驚震遣劉恭乞降曰盆子將百萬衆以降陛下陛下下何以待之帝曰待以不死耳卒葬陵側

宜陽縣

周靈王陵 在靈山見碑記

晉高祖陵 卽石家陵翁仲石獸猶存

韓昭侯墓 在韓城北陂

漢張良墓 在韓城東係韓國古城

魏杜畿墓 在韓城仕尚書僕射卒葬此

唐段志賢墓 在段村西

宋尹子漸墓 有墓誌

張思叔墓 在東店七里

元郭實美墓 仕行省總管卒葬此

明王鳳泉墓 名邦瑞兵部尚書諡襄毅在洛

西秦山

李洛南墓 名文戶部郎中在河東營北山

任借山墓 名淮祁縣知縣在縣東

商河縣教諭翟屏山墓 名文在縣

登封縣

周昭王陵 在陽城西谷見通志

魏京兆王陵 在嵩山上王名大興景穆帝孫

因病舍王爵入沙門卒葬於此

後漢睿陵 在登封縣見廣輿記

陶唐許由墓 在箕山巔太史公曰予登箕山

其上蓋有許由塚云

巢父墓 在縣東四十里與箕山相近元人袁

奐有詩

商均墓 在縣南山見郡記

唐盧殷墓 殷登封尉卒葬嵩山之下韓文公

作墓誌銘

明刑部員外郎傅文墓 在胥店

知府杜學墓 在嶽廟東

贈郎中焦勳墓 在城南子太僕少卿子春祔

僉都御史連標墓 禹州人在告成鎮北

封知府崔光宇墓 在文家村子叅議應科祔

通判傅如玉墓 在縣西

封侍郎靳文登墓 尉氏縣人子于中官刑部

尚書奉勅諭葬郭店西

贈僉都御史劉思議墓 在小金店西

刑部主事焦弘祚墓 在顧家西河

僉都御史劉景耀墓 在小金店東北

登封縣知縣鄔廷誨墓 在峻極寺西典史王

大壁耐同時死難

平陽府推官常克念墓 在城東

吏部司務傅作舟墓 在碑子村

末寧縣

夏后陵 在陽坡保嶠山之側按史記孔甲之

子曰帝皐葬於嶠之南陵左傳南陵夏后皐之

墓也

晉孝子塚 在坊郭保晉盛彥卒葬此

宋張俞塚 在冀莊保俞西川人卒葬此

花安撫塚 在吳村保花用吉淳熙間為均州

安撫使卒葬於此

游公墳 在陽陂保宋人游環字伯玉善詞賦

登鄉進士卒葬此

穆元帥墓 在大邑保宋熙寧間人卒葬此

陶真人墓 在坊郭保真人名彥明從丹陽馬

真人得靈虛之道卒葬此

仙姑墓 在張村保仙姑姓鄭名道青號元空

卒葬此

元永寧王墓 在河鎮王名金寶卒葬此

薛元靖公墓 在王范鎮北山之陽公名元元

轉運使追封河南郡侯卒葬此

明答祿修撰墓 在城北原

大司寇趙翥墓 在縣東南

大司空宋禮墓 在金陽山大學士廬陵曾棨

撰墓誌銘

太師吏部尚書耿裕墓 在長水紫蓋山下

給事吳整墓 在大宋保

封御史田理墓 在塢東保北山之陽

萬安王墓 在西關上閣寺北原以福藩建國

於洛徙居末寧卒葬此

贈中丞張士益墓 在金門川德里村

中丞張論墓 士益子葬金門川祖塋東

新安縣

後唐莊宗陵 在縣北七十里鄭駙馬墳西有

塚高二三丈俗傳天子墓無碑可考天成元年

十一月丙子葬先聖神明孝皇帝於雍卽此見

後唐紀三省註

甘上卿墓 在縣東五里許卽甘羅年十二爲

秦相

蘇秦墓 在縣西二十里盧院保

隋柱國韓擒虎墓 在縣西北二十五里廟頭

村斷碑華表尚存見鄉賢

唐太師袁天罡墓 在縣西二十里盧院保遺

址尚存

太師李淳風墓 在縣西二十里官莊鄉

母丘興墓 在縣西慕容山下相傳母丘興將

軍墓

鄭駙馬墓 在縣北七十里黃坂峪東相傳鄭

駙馬墳廣四十畝中有三塚惟二石獸無碑可考

處士張海仙墓 在縣東北二十里穀川澗水北原今失其處

少卿王紆墓 在縣北一百里長泉村今失其處紆五季時累贈少卿

學士錢若水墓 在縣西南一里暖泉村西中丞錢緯墓 緯若水之孫仕宋為殿中丞與

若水同塋

黑千戶墳 在新安水南寨即今官水保本姓

呂為寧陵理學呂坤之始祖以軍功明洪武授指揮千戶不受賜銀復其家幼字黑廝故以黑

千戶名

陳公墓 邑侯名顯元以忠節死於關門寨土人負土成墳

光祿孟化鯉墓 在東門外

都憲呂孔學墓 在城南五里玉屏山下

太傅呂維祺墓 在東門外

王節烈墓 王萃秀妻以節蒙旌墓在東關文
峯山前建節烈祠

澠池縣

周桓王陵 治北百二十里北枕黃河古木森
列宋乾德四年禁樵採見文獻通考後為金人
伐去造船

唐昭濟侯雷公墓 在治北二十里鑿山上唐
潞王勅建有墓

宋清遠侯張玘墓 在治北一百二十里南村

元弘農郡侯楊彬墓 在治西二十五里沙村

元丞相夔夔有記

明理學諡靖修曹端墓 在治北二十里窟陀

村

嵩縣

韓王陵 縣西八十里仰天池山下衆峰攢秀
一澗滌洄其塚巍然世傳為韓王墓嵩故為韓
地必戰國韓王也

後梁太祖宣陵 伊闕廢縣後唐莊宗獵伊闕

令百官拜梁太祖墓見舊志

梁少帝陵 伊闕廢縣北見舊志今尚呼為御陵凹云

唐元紫芝墓 在陸渾山麓其弟結銘其墓墓前有祠今廢

李少尹墓 在鳴臯山下河陽韓愈銘其墓今李家屯蓋其故宅云

宋邵康節墓 在縣北新店之西建有石坊明道先生銘其墓今按明道墓誌云先生葬其親

於伊川遂為河東人又遺書內云先生病諸公議後事各欲遷葬城中他在房中便聞得令人喚大郎來云不得遷葬衆議始定然則先生之親墓亦在焉

司空張齊賢墓 在海角村北

元少保王古寶墓 在牛寨東南

明御史李興墓 在新店

布政孫鳳臺墓 在縣北關鐵冶坡下

副使董相墓 在伊闕廢縣之西

盧氏縣

周燕王墓 在西山黃崖秦兼併後葬燕王於此

唐李密墓 在樊村密死徐勣在黎陽為密堅

守高祖遣使將密首招之勣發喪行服備君臣

之禮表請收葬大具威儀三軍皆縞素葬畢然

後歸唐高祖義之後遂大用焉

王伯當墓 在弘渡南原李密叛唐伯當泣諫

密弗從及箭射李密伯當伏屍而死土人服其

忠於所事遂收葬焉

宋主事陶澄墓 在白塔峪

陝州

唐姚文獻公墓 在州東衛村社公名懿諡文

獻唐宰相崇之父有碑記

三生公主墓 在州東樊社唐明皇公主左手

有三生字

姚煒墓 中書平章事即崇之裔孫也

元治中蔚德元墓 在州東趙原社為四川崇

慶路治中有功於時

行省趙仕偉墓 在州西樊社

國子祭酒岳藏齋墓 在州西樊社

宋處士魏野墓 在州東郭外

靈寶縣

晉楊后陵 在縣南蛇頭嶺上晉武帝后楊駿

女也自洛幸靈薨於故里土人立祠祀之名曰

思鄉碑有碑記

夏關龍逢墓 古塚大數畝在縣南十五里孟

村之西唐為立碑大書夏直臣關公之墓有祠
在東關春秋祀之

晉太傅楊駿墓 在縣東南十里南陽村之北

即楊后父也

明吏部尚書許進墓 在縣南二里

戶部尚書許誥墓 在縣東南四里勅葬

大學士許讚墓 在縣東南五里

兵部尚書許論墓 在縣東南十里

戶部侍郎何鈞墓 在縣北二里

閩鄉縣

五帝軒轅陵 在縣南十里

女媧陵 傳在黃河濱唐天寶末忽失乾元初

復湧出遂名風陵渡蓋后風姓故也今又無考

漢戾太子塚 在縣西三十里泉鳩東

史皇孫墓 戾太子子也在塚側

晉將軍王濬墓 在縣東十五里

唐梁孝子文貞墓 在縣東十五里葬於母墓

側

明尚書范敏墓 在縣南二十里

欽定古今圖書集成方輿彙編職方典
第四百四十卷目錄
河南府部藝文一

東都賦

漢班固

東京賦

張衡

孟津銘

李尤

洛都賦

傅毅

洛神賦

魏曹植

與楊德祖書

前人

許由頌

晉潘岳

函谷關賦

江統

登北邙山賦

張協

洛禊賦

前人

濛汜池賦

張載

金谷序

石崇

閒居賦

潘岳

黃河賦

成公綏

宜陽山注

北魏酈道元

管東京詔

隋煬帝

職方典第四百四十卷

河南府部藝文一

東都賦

漢班固

東都主人喟然而嘆曰痛乎風俗之移人也子實秦人矜夸館室保界河山信讖昭襄而知始皇矣烏睹大漢之二云爲乎夫大漢之開元也奮布衣以登皇位繇數期而創萬代蓋六籍所不能談前聖靡得而言焉當此之時攻有橫而當天討有逆而順民故婁敬度勢而獻其說蕭公權宜而拓其制時豈泰而安之

哉計不得以已也吾子曾不是睹顧曜後嗣之未造
不亦暗乎今語子以建武之治永平之事監於大清
以變子之惑志往者王莽作逆漢祚中缺天人致誅
六合相滅于時之亂生人幾亡鬼神泯絕壑無完柩
郭罔遺室原野厭人之肉川谷流人之血秦項之災
猶不克半書契以來未之或紀故下人號而上訴上
帝懷而降監乃致命乎聖皇於是聖皇乃握乾符闡
坤珍披皇圖稽帝文赫然發憤應若興雲霆擊昆陽
憑怒雷震遂超大河跨北嶽立號高邑建都河洛紹

百王之荒屯因造化之盪滌體元立制繼天而作系
唐統接漢緒茂育羣生恢復疆宇勳兼乎在昔事勤
乎三五豈特方軌並跡紛綸后辟治近古之所務蹈
一聖之險易云爾哉且夫建武之元天地革命四海
之內更造夫婦肇有父子君臣初建人倫實始斯乃
伏羲氏之所以基皇德也分州土立市朝作舟輿造
器械斯乃軒轅氏之所以開帝功也恭行天罰應天
順人斯乃湯武之所以昭王業也遷都改邑有殷宗
中興之則焉卽土之中有周成隆平之制焉不階尺

古今圖書集成
土一人之柄同符乎高祖克己復禮以奉終始允恭
乎孝文憲章稽古封岱勒成儀炳乎世宗案六經而
較德眇古昔而論功仁聖之事既該而帝王之道備
矣至於未平之際重熙而累洽盛三雍之上儀修袞
龍之法服鋪鴻藻信景鑠揚世廟正雅樂神人之和
允洽羣臣之序既肅乃動大輅遵皇衢省方巡狩窮
覽萬國之有無考聲教之所被散皇明以燭幽然後
增周舊修洛邑扇巍巍顯翼翼光漢京于諸夏總八
方而爲之極是以皇城之內宮室光明闕庭神麗奢

不可踰儉不能移外則因原野以作苑順流泉而爲
沼發蘋藻以潛魚豐圃草以毓獸制同乎梁鄒誼合
乎靈囿若乃順時節而蒐狩簡車徒以講武則必臨
之以王制考之以風雅歷騶虞覽駟鐵嘉車攻采吉
日禮官整儀乘輿乃出於是發鯨魚鏗華鐘登玉輅
乘時龍鳳蓋琴麗龠鑾玲瓏天宮景從寢威盛容山
靈護野屬御方神雨師汎灑風伯清塵千乘雷起萬
騎紛紜元戎竟野戈鋌彗雲羽旄掃霓旌旗拂天焱
焱炎炎揚光飛文吐爛生風欲野歎山日月爲之奪

明丘陵爲之搖震遂集乎中囿陳師按屯駢部曲列
較隊勒三軍誓將帥然後舉烽伐鼓申令三驅輜車
霆激驍騎電驚由基發射范氏施御弦不睨禽轡不
詭遇飛者未及翔走者未及去指顧倏忽獲車已實
樂不極盤殺不盡物馬踠餘足士怒未凜先驅復路
屬車按節於是薦三犧效五牲禮神祇懷百靈覲明
堂臨辟雍揚緝熙宣皇風登靈臺考休徵俯仰乎乾
坤參象乎聖躬日中夏而布德瞰四裔而抗稜西盪
河源東澹海濬北動幽崖南耀朱垠殊方別區界絕

而不鄰自孝武之所不征孝宣之所未臣莫不陸警
水慄奔走而來賓遂綏哀牢開永昌春王三朝會同
漢京是日也天子受四海之圖籍應萬國之貢珍內
撫諸夏外綏百蠻爾乃盛禮興樂供帳置乎雲龍之
庭陳百僚而贊羣后究皇儀而展帝容於是庭實千
品旨酒萬鍾列金罍班玉觴嘉珍御太牢饗爾乃食
舉雍徹太師奏樂陳金石布絲竹鐘鼓鏗銅管絃曜
煜抗五聲極六律歌九功舞八佾韶武備泰古畢四
夷間奏德廣所及僭侏兜離罔不具集萬樂備百禮

古今圖書集成
暨皇歡浹群臣醉降煙燼調元氣然後撞鐘告罷百
寮遂退於是聖上覩萬方之歡娛又沐浴于膏澤懼
其侈心之將萌而怠於東作也乃申舊章下明詔命
有司頒憲度昭節儉示太素去後宮之麗飾損乘輿
之服御抑工商之淫業興農桑之盛務遂令海內棄
末而反本背僞而歸真女修織紉男務耕耘器用陶
匏服尚素元恥織靡而不服賤奇麗而弗珍捐金於
山沈珠於淵於是百姓滌瑕盪穢而鏡至清形神寂
寞耳目弗營嗜慾之源滅廉恥之心生莫不優游而

自得玉潤而金聲是以四海之內學校如林庠序盈
門獻酬交錯俎豆莘莘下舞上歌蹈德咏仁登降飫
宴之禮既畢因相與嗟嘆元德謹言弘說咸含和而
吐氣頌曰盛哉乎斯世今論者但知誦虞夏之書咏
殷周之詩講義文之易論孔氏之春秋罕能精古今
之清濁究漢德之所繇唯子頗識舊典又徒馳騁乎
末流溫故知新已難而知德者鮮矣且夫僻界西戎
險阻四塞修其防禦孰與處乎土中平夷洞達萬方
輻輳秦嶺九峻涇渭之川曷若四瀆五嶽帶河沂洛

古今圖書集成
圖書之淵建章甘泉館御列仙孰與靈臺明堂統和
天人太液昆明鳥獸之囿曷若辟雍海流道德之富
游俠踰侈犯儀侵禮孰與同履法度翼翼濟濟也子
徒習秦阿房之造天而不知京洛之有制也識函谷
之可關而不知王者之無外也主人之辭未終西都
賓矍然失容逡巡降階悚然意下捧手欲辭主人曰
復位今將受子以五篇之詩賓既卒業乃稱曰美哉
乎斯詩義正乎揚雄事實乎相如匪惟主人之好學
蓋乃遭遇乎斯時也小子狂簡不知所裁既聞正道

請終日而誦之

東京賦

張衡

安處先生於是似不能言者憮然有間乃莞爾而笑
曰若客所謂末學膚受貴耳而賤目者也苟有曾而
無心不能節之以禮宜其陋今而榮古矣由余以西
戎孤臣而惺穆公於宮室如之何其以溫故知新研
覈是非近於此惑周姬之末不能厥政政用多僻始
於宮鄰卒於金虎嬴氏搏翼擇肉西邑是時也七雄
並爭競相高以奢麗楚築章華於前趙建叢臺於後

古今圖書集成
秦政利觜長距終得擅場思專其侈以莫己若乃構
阿房起甘泉結雲閣冠南山征稅盡人力殫然後收
以大半之賦威以慘夷之刑其遇民也若薙氏之芟
草旣蘊崇之又行火焉慄慄黔首豈徒跼高天踏厚
地已哉乃救死於其頸毆以就役唯力是視百姓不
能忍是用息肩於大漢而欣戴高祖高祖膺籙受圖
順天行誅仗朱旗而建大號所推必亡所存必固掃
項軍於垓下繼子嬰於軹塗因秦宮室據其府庫作
洛之制我則未暇是以西匠營宮目翫阿房規摹踰

溢不度不臧損之又損然尚過於周堂觀者狹而謂
之陋帝已譏其泰而弗康且高旣受命建家造我區
夏矣文又躬自菲薄治致升平之德武有大啓土宇
紀禪肅然之功宣重威以撫和戎狄呼韓來享咸用
紀宗存主饗祀不輟銘勳彝器歷世彌光今捨純懿
而論爽德以春秋之所諱而爲美談宜無嫌於往初
故蔽善而揚惡祇吾子之不知言也必以肆奢爲賢
則是黃帝合宮有虞總章固不如夏癸之瑤臺殷辛
之瓊室也湯武誰革而用師哉盍亦覽東京之事以

古今圖書集成
自寤乎且天子有道守在海外守位以仁不恃隘害
苟民志之不諒何云巖險與襟帶秦負阻於二關卒
開項而受沛彼偏據而規小豈如宅中而圖大昔先
王之經邑也掩觀九隩靡地不營土圭測景不縮不
盈總風雨之所交然後以建王城審曲面勢沂洛背
河左伊右瀍西阻九河東門于旋盟津達其後太谷
通其前迴行道乎伊闕邪徑捷乎輶輳太室作鎮揭
以熊耳底柱輟流鐔以大岨溫液湯泉黑丹石緇王
鮪岫居能鼈三趾處妃攸館神用挺紀龍圖授羲龜

書畀姒名伯相宅卜惟洛食周公初基其繩則直萇
弘魏舒是廓是極經途九軌城隅九雉度堂以筵度
室以几京邑翼翼四方所視漢初弗之宅故宗緒中
圯巨猾間釁竊弄神器歷載三六偷安天位於時蒸
民罔敢或貳其取滅也重矣我世祖忿之乃龍飛白
水鳳翔參墟授鉞四七共工是除櫬槍旬始羣凶靡
餘區宇又寧思和求中睿哲元覽都茲洛宮曰止曰
時昭明有融旣光厥武仁洽道豐登岱勒封與黃比
崇逮至顯宗六合殷昌乃新崇德遂作德陽啓南端

古今圖書集成
之特闡立應門之將將昭仁惠於崇賢抗義聲於金
商飛雲龍於春路屯神虎於秋方建象魏之兩觀旌
六典之舊章其內則含德章臺天祿宣明溫飭迎春
壽安未寧飛閣神行莫我能形濯龍芳林九谷八溪
芙蓉覆水秋蘭被涯渚戲躍魚淵游龜蠃永安離宮
修竹冬青陰池幽流元泉冽清鶉鷓秋棲鶻鷂春鳴
鳴鳩麗黃關關嚶嚶於南則前殿靈臺龢驩安福諺
門曲榭邪阻城洫奇樹珍果鉤盾所職西登少華亭
候修勅九龍之內實曰嘉德西南其戶匪雕匪刻我

后好約乃宴斯息於東則洪池清籟淥水澹澹內阜
川禽外豐葭茨獻鼈蜃與龜魚供蝸廬與菱芡其西
則有平樂都場示遠之觀龍雀蟠蜿天馬半漢瑰異
譎詭燦爛炳煥奢未及侈儉而不陋規遵王度動中
得趣於是觀禮器舉儀具經始勿亟成之不日猶謂
爲之者勞居之者逸慕唐虞之茅茨思夏后之卑室
乃營三宮布教頒常復廟重屋八達九房規天矩地
授時順鄉造舟清池惟水泱泱左制辟雍右立靈臺
因進距衰表賢簡能馮相觀禋祈禡禳災於是孟春

古今圖書集成
元日羣后旁戾百僚師師於斯胥洎藩國奉聘要荒
來質具惟帝臣獻琛執贄當覲乎殿下者蓋數萬以
二爾乃九賓重臚人列崇牙張鏞鼓設郎將司階虎
戟交鍛龍輅充庭雲旗拂霓夏正三朝庭燎哲哲撞
洪鐘伐靈鼓旁震八鄙軒礚隱訇若疾霆轉雷而激
迅風也是時稱警蹕已下雕輦於東廂冠通天佩玉
璽紆皇組要干將負斧展次席紛純左右玉几而南
面以聽矣然後百辟乃入司儀辨等尊卑以班璧羔
皮帛之贄既奠天子乃以三揖之禮禮之穆穆焉皇

皇焉濟濟焉將將焉信天下之壯觀也乃羨公侯卿
士登自東除訪萬機詢朝政勤恤民隱而除其眚人
或不得其所若己納之於隍荷天下之重任匪怠皇
以寧靜發京倉散禁財賚皇僚逮輿臺命膳夫以大
饗饗餼浹乎家陪春醴惟醇燔炙芬芬君臣歡康具
醉熏熏千品萬官已事而竣勤屢省懋乾乾清風協
於元德淳化通於自然憲先靈而齊軌必三思以顧
愆招有道於側陋開敢諫之直言聘丘園之耿潔旅
束帛之芟芟上下通情式宴且盤及將祀天郊報地

功祈福乎上元思所以爲虔肅肅之儀盡穆穆之禮
殫然後以獻精誠奉禋祀曰允矣天子者也乃整法
服正冕帶珩紃紘纒玉笄綦會火龍黼黻藻絳鞞厲
結飛雲之袷輅樹翠羽之高蓋建辰旒之太常紛焱
悠以容裔六元虬之奕奕齊騰驤而沛艾龍輶華轆
金鉞鏤錫方鉉左纛鉤膺玉瓊鑿聲噦噦和鈴鈇鈇
重輪貳轄疏轂飛輪羽蓋葳蕤葩瑤曲莖順時服而
設副咸龍旂而繁纓立戈迤戛農輿輅木屬車九九
乘軒並轂璫弩重旃朱旒青屋奉引既畢先輅乃發

鸞旗皮軒通帛綺旆雲罕九旂闕戟鞞鞞髯髦被繡
虎夫戴鷓駙承華之蒲梢飛流蘇之騷殺總輕武於
後陳奏嚴鼓之嘈噓戎士介而揚揮戴金鉦而建黃
鉞清道案列天行星陳肅肅習習隱隱鱗鱗殿未出
乎城闕旆已及乎郊畛盛夏后之致美爰敬恭於明
神爾乃孤竹之管雲和之瑟雷鼓鼗鼗六變既畢冠
華秉翟列舞八佾元祀惟稱羣望咸秩颺標燎之炎
煬致高烟乎太一神歆馨而顧德祚靈主以元吉然
後宗上帝於明堂推光武以作配辨方位而正則五

古今圖書集成
精帥而來推尊赤氏之朱光四靈懋而允懷於是春
秋改節四時迭代蒸蒸之心感物增思躬追養於廟
祧奉蒸嘗與禴祠物牲辨省設其福衡毛魚豚帛亦
有和羹滌濯靜嘉禮儀孔明萬舞奕奕鐘鼓喤喤靈
祖皇考來顧來饗神具醉止降福穰穰及至農祥晨
正土膏脉起乘鑿輅而駕蒼龍介馭閒以剡耜躬三
推於天田修帝籍之千畝供禘郊之粢盛必致思乎
勤己兆民勸於疆場感懋力以耘耔春日載陽合射
辟雍設業設虞宮懸金鏞鼗鼓路鼗樹羽幢幢於是

備物物有其容伯夷起而相儀后夔坐而爲工張大
侯制五正設三乏匪司旌并夾旣設備乎廣庭於是
皇輿夙駕輦於東階以須消啓明掃朝霞登天光於
扶桑天子乃撫玉輅時乘六龍發鯨魚鏗華鐘大丙
弭節風后陪乘攝提運衡徐至於射宮禮事展樂物
具王夏闋騶虞奏決拾旣依彫弓斯設達餘萌于暮
春昭誠心以遠喻進明德而崇業滌饗饗之貪慾仁
風行而外流諒方激而遐驚日月會於龍旒恤民事
之勞疚因休力以息勤致權忻於春酒執鸞刀以袒

古今圖書集成
割奉觴豆於國叟降至尊以訓恭送迎拜乎三壽敬
慎威儀示民不偷我有嘉賓其樂愉愉聲教布濩盈
溢天區文德既昭武節是宣三農之隙曜威中原歲
惟仲冬大閱西園虞人掌焉先期戒事悉率百禽鳩
諸靈囿獸之所同是謂告備乃禦小戎撫輕軒中畋
四牡既佶且閑戈矛若林牙旗繽紛迄上林結徒營
敘和樹表司鐸授鉦坐作進退節以軍聲三令五申
示戮斬牲陳師鞠旅教達禁成火列具舉武士星敷
鵝鶴魚麗箕張翼舒軌塵掩迹匪疾匪徐馭不詭遇

射不翦毛升獻六禽時膳四膏馬足未極輿徒不勞
成禮三毆解罟放麟不窮樂以訓儉不殫物以昭仁
慕天乙之弛罟因教祝以懷民儀姬伯之渭陽失熊
羆而獲人澤浸昆蟲威振八寓好樂無荒允文允武
薄狩於敖旣瓌瓌焉岐陽之蒐又何足數爾乃卒歲
大儺毆除羣厲方相秉鉞巫覡操蒨侖子萬童丹首
元製桃弧棘矢所發無臬飛礮雨散剛瘳必斃煌火
馳而星流逐赤疫於四裔然後凌天池絕飛梁捐魑
魅斲獠狂斬蛟蛇腦方良囚耕父於清泠溺女魃於

古今圖書集成
神潢殘夔魑與罔象殪野仲而殲游光八靈爲之震
惴况魃蜮與畢方度朔作梗守以鬱壘神荼副焉對
探索葦日察區陬司執遺鬼京室密清罔有不韙於
是陰陽交和庶物時育卜征考祥終然允淑乘輿巡
乎岱嶽勸稼穡於原陸同衡律而壹軌量齊急舒於
寒燠省幽明以黜陟乃反旆而迴復望先帝之舊墟
慨長思而懷古俟閭風而西遐致恭祀乎高祖旣春
游以發生啓諸蟄於潛戶度秋豫以收成觀豐年之
多稔嘉田畷之匪懈行致賚於九扈左瞰暘谷右睨

元圃眇天末以遠期規萬世而大摹且歸來以釋勞
膺多福以安念總集瑞命備致嘉祥圉林氏之騶虞
擾澤馬與騰黃鳴女牀之鸞鳥舞丹穴之鳳皇植華
平於春圃豐朱草於中唐惠風廣被澤洎幽荒北燮
丁令南諧越裳西包大秦東過樂浪重舌之人九譯
僉稽首而來王是以論其遷邑易京則同規乎殷盤
改奢卽儉則合美乎斯干登封降禪則齊德乎黃軒
爲無爲事無事未有民以孔安遵節儉尚素樸思仲
尼之克己履老氏之常足將使心不亂于所在目不

古今圖書集成
見其可欲賤犀象簡珠玉藏金於山抵璧於谷翡翠
不裂璫珎不族所貴惟賢所寶惟穀民去末而反本
咸懷忠而抱慙於斯之時海內同悅曰吁漢帝之德
侯其禕而蓋莫莢爲難時也故曠世而不覲惟我后
能殖之以至和平方將數諸朝階然則道胡不懷化
胡不柔聲與風翔澤從雲遊萬物我賴亦又何求德
寓天覆輝烈光燭狹三王之趨起軼五帝之長驅踵
二皇之遐武誰謂駕遲而不能屬東京之懿未罄值
余有犬馬之疾不能究其精詳故粗爲賓言其梗槩

如此若乃流遁忘反放心不覺樂而無節後罹其戚
一言幾於喪國我未之學也且夫挈餅之智守不假
器况纂帝業而輕天位瞻仰二祖厥庸孔肆常翹翹
以危懼若乘奔而無轡白龍魚服見困豫且雖萬乘
之無懼猶怵惕於一夫終日不離其輜重獨微行其
焉如夫君人者黻纁塞耳車中不內顧珮以制容鑿
以節塗行不變玉駕不亂步卻走馬以糞車何惜騷
裹與飛兔方其用財取物常畏生類之殄也賦政任
役常畏人力之盡也取之以道用之以時山無槎枿

古今圖書集成
畋不麋胎草木蕃庶鳥獸阜滋民忘其勞樂輸其財
百姓同於饒衍上下共其雍熙洪恩素蓄民心固結
執蒞顧主夫懷貞節忿姦慝之干命怨皇統之見替
元謀設而陰行合二九而成譎登聖皇於天階章漢
祚之有秩若此故王業可樂焉今公子苟好勦民以
媮樂忘民怨之爲仇也好殫物以窮寵忽下叛而生
憂也夫水所以載舟亦所以覆舟堅冰作於履霜尋
木起於蘖栽昧旦丕顯後世猶怠况初制於甚泰服
者焉能改裁故相如壯上林之觀揚雄騁羽獵之辭

雖系以頽牆填塹亂以收置解罟卒無補於風規祇
以昭其愆尤臣濟參以陵君忘經國之長基故函谷
擊柝於東西朝廷顛覆而莫持凡人心是所學體安
所習鮑肆不知其臭翫其所以先入咸池不齊度於
繩咬而衆聽或疑能不惑者其唯子野乎客旣醉於
大道飽於文義勸德畏戒喜懼交爭罔然若醒朝疲
夕倦奪氣褫魄之爲者忘其所以爲談失其所以爲
夸良久乃言曰鄙哉予乎予習非而遂迷也幸見指
南於吾子若僕所聞華而不實先生之言信而有徵

古今圖書集成
鄙夫寡識而今而後乃知大漢之德馨咸在於此昔
常恨三墳五典既泯仰不覩炎帝帝魁之美得聞先
生之餘論則大庭氏何以尚茲走走雖不敏庶斯達矣

孟津銘

李尤

洋洋河水赴赴水經注作朝宗於海經自中州龍圖所在黃

函白神赤符以信昔有周武集會孟津魚入王舟迺

往克殷

洛都賦

傅毅

惟漢元之運會世祖受命而弭亂體神武之聖姿握

天人之氣岸尋往代之規兆仍險塞之自然被崑崙
之洪流據伊洛之雙川挾成臯之巖阻扶二嶠之崇
山分畫經緯開正塗軌序立廟祧面朝後市嘆息起
霧露奮袂生風雨覽正殿之體制承日月之皓精騁
流星於突陋追歸鴈於軒幹帶螭龍之疏鏤垂茵蒼
之敷榮顧濯龍之臺觀望未安之園藪淳清沼以泛
舟浮翠虬與元武桑宮繭館區制有規后帥九嬪躬
勅女工近則明堂辟雍靈臺之列宗祀揚化雲物是
察其後則有長岡邨阜屬以首山通谷岌岌石瀨寒

泉於是乘輿鳴和按節發軔列翠蓋方龍軛備五路
之驂服建三辰之旗旂傳說作僕義和奉時千乘雷
駭萬騎星鋪絡繹相屬揮沫揚鑣羣仙列于中庭發
魚龍之巨偉羨門拊鼓偃佺操麾講武農隙較獵囿
田搜幽林以集禽激通川以御獸跨乘黃射遊麋弦
不虛控目不徒晞解腋分心應箭殪夸然後弭節容
于淶水之濱垂芳餌於清流出旋瀨之潛鱗

洛神賦

魏曹植

黃初三年余朝京師還濟洛川古人有言斯水之神

名曰宓妃感宋玉對楚王說神女之事遂作斯賦其
詞曰余從京師言歸東藩背伊闕越轅轅經通谷陵
景山日既西傾車殆馬煩爾乃稅駕乎蘅皋秣駟乎
芝田容與乎楊林流盼乎洛川于是精移神駭忽焉
思散俯則未察仰以殊觀覩一麗人于巖之畔乃援
御者而告之曰爾有覲於彼者乎彼何人斯若此之
豔也御者對曰臣聞河洛之神名曰宓妃則君王之
所見無乃是乎其狀若何臣願聞之余告之曰其形
也翩若驚鴻婉若遊龍榮曜秋菊華茂春松髣髴兮

古今圖書集成
若輕雲之蔽月飄飄兮若流風之迴雪遠而望之皓
若太陽升朝霞迫而察之灼若芙渠出淥波穠纖得
中修短合度肩若削成腰如約素延頸秀項皓質呈
露芳澤無加鉛華不御雲髻峩峩修眉聯娟丹脣外
朗皓齒內鮮明眸善睐靨輔承權瓌姿豔逸儀靜體
閑柔情綽態媚於語言奇服曠世骨象應圖披羅衣
之璀璨兮珥瑤碧之華琚戴金翠之首飾綴明珠以
耀軀踐遠遊之文履曳霧綃之輕裾微幽蘭之芳藹
兮步踟躕於山隅於是忽焉縱體以遨以嬉左倚采

旄右蔭桂旗攘皓腕於神滸兮采湍瀨之元芝余情
悅其淑美兮心振蕩而不怡無良媒以接歡兮託微
波而通辭願誠素之先達兮解玉佩以要之嗟佳人
之信修羌習禮而明詩抗瓊瑋以和予兮指潛淵而
爲期執眷眷之款實兮懼斯靈之我欺感交甫之棄
言兮悵猶豫而狐疑收和顏而靜志兮申禮防以自
持於是洛靈感焉徙倚徬徨神光離合乍陰乍陽竦
輕軀以鶴立若將飛而未翔踐椒塗之郁烈步蘅薄
而流芳超長吟以末慕兮聲哀厲而彌長爾乃衆靈

古今圖書集成
雜選命儔嘯侶或戲清流或翔神渚或采明珠或拾
翠羽從南湘之二妃攜漢嬪之游女歎匏瓜之無匹
兮詠牽牛之獨處揚輕袿之綺靡兮翳修袖以延佇
體迅飛鳧飄忽若神陵波微步羅襪生塵動無常則
若危若安進止難期若往若還轉盼流精光潤玉顏
含辭未吐氣若幽蘭華容婀娜令我忘餐於是屏翳
收風川后靜波馮夷鳴鼓女媧清歌騰文魚以警乘
鳴玉鸞以偕逝六龍儼其齊首載雲車之容裔鯨鯢
踊而夾轂水禽翔而爲衛於是越北沚過南岡紆素

領迴清揚動朱脣以徐言陳交接之大綱恨人神之
道殊兮怨盛年之莫當抗羅袂以揜涕兮淚流襟之
浪浪悼良會之未絕兮哀一逝而異鄉無微情以效
愛兮獻江南之明璫雖潛處於太陰長寄心於君王
忽不悟其所舍悵神霄而蔽光於是背下陵高足往
神畱遺情想像顧望懷愁冀靈體之復形御輕舟而
上遡浮長川而忘返思綿綿而增慕夜耿耿而不寐
霑繁霜而至曙命僕夫而就駕吾將歸乎東路攬騑
轡以抗策悵盤桓而不能去

與楊德祖書

前人

植白數日不見思子為勞想同之也僕少小好為文章迄至於今二十有五年矣然今世作者可略而言也昔仲宣獨步於漢南孔彰鷹揚於河朔偉長擅名於青土公幹振藻於海隅德璉發跡於北魏足下高視於上京當此之時人人自謂握靈蛇之珠家家自謂抱荆山之玉吾王於是設天網以該之頓八紘以掩之今悉集茲國矣然此數子猶復不能飛騫絕跡一舉千里也以孔彰之才不閑於詞賦而多自謂能

與司馬長卿同風譬畫虎不成反為狗者也前有書嘲之反作論盛道僕讚其文夫鍾期不失聽於今稱之吾亦不能妄歎者畏後世之嗤余也世人著述不能無病僕常好人譏彈其文有不善者應時改定昔丁敬禮嘗作小文使僕潤飾之僕自以才不過若人辭不為也敬禮謂僕卿何所疑難文之佳惡吾自得之後世誰相知定吾文者邪吾常歎此達言以為美談昔尼父之文辭與人通流至於制春秋游夏之徒乃不能措一辭過此而言不病者吾未之見也蓋有

古今圖書集成
南威之容乃可以論於淑媛有龍泉之利乃可以議於斷割劉季緒才不能逮於作者而好詆訶文章倚撫利病昔田巴毀五帝罪三王叱五霸於稷下一旦而服千人魯連一說使終身杜口劉生之辯未若田氏今之仲連求之不難可無嘆息乎人各有好尚蘭茝蓀蕙之芳衆人之所好而海畔有逐臭之夫咸池六莖之發衆人所共樂而墨翟有非之之論豈可同哉今往僕小小所著辭賦一通相與夫街談巷說必有可采擊轅之歌有應風雅匹夫之思未易輕棄也

辭賦小道固未足以揄揚大義彰示來世也昔揚子雲先朝執戟之臣耳猶稱壯夫不爲也吾雖薄德位爲蕃侯猶庶幾戮力上國流惠下民建來世之業流金石之功豈徒以翰墨爲勳績辭賦爲君子哉若吾志未果吾道不行則將採庶官之實錄辨時俗之得失定仁義之衷成一家之言雖未能藏之於名山將以傳之於同好非要之皓首豈以今日之論乎其言之不慚恃惠子之知我也明早相迎書不盡懷

許由頌

晉潘岳

邈哉許公執真履貞辭堯天下抱朴隱形川渟岳峙
澹泊無營棲遲高山與世靡爭虛薄忝任來宰斯城
愧無惠化豹產之政峩峩治所樂慕景名登基逍遙
來過墓庭通於時憲傾筐不盈恨無旨酒奠公之靈
死而不朽公有其榮聊述雅美揚公馨聲

函谷關賦

江統

登彼函谷爰覽丘陵地險逶迤山岡相承深壑累降
修嶺重升下杳冥而幽曖上穹崇而高興帶以河洛
重以嶠黽經略封畿因固設險異服則呵奇言必檢

消姦宄於未芽殿邪僞於萌漸及文仲之斯廢乃建
仁而受貶聖王制典蓋以防淫萬里順軌疆場不侵
撫四方而守境豈恃阻於高岑彼桀紂以顛墜非山
河而不深顧晉平之愛險獲汝叔之忠箴鄙魏武之
墜志嘉吳起之弘心末代凌遲惡羸氏之泮渙乃因
茲而自增下陵上替山冢峩崩覽孟嘗之獲免賴博
愛而多寵惟七國之西征仰斯阻而震恐其隩險之
難犯將羣師之無勇咨漢祖之絕關又見敗於勅項
尹喜爰處觀妙研精李老西徂五千遺聲張祿既入

古今圖書集成
穰侯乃傾營陵之出稟築田生衛鞅及商喪宗摧名
終軍棄繻擁節飛營覩浮僞於末俗思元貞乎大庭

登北邙山賦

張協

陟巒丘之麗屹升逶迤之修坂迴余車於峻嶺聊送
目於四遠靈嶽鬱以造天連岡巖以蹇產伊洛混而
東流帝居赫以崇顯山川泊其常兮萬物化而代轉
何天地之難窮悼人生之危淺歎白日之西頽兮哀
世路之多蹇於是徘徊絕嶺踟躕步趾前瞻狼山却
闕大岬東眺虎牢西睨熊耳邪亘天際旁極萬里莽

眩眼以茫昧諒羣形之難紀臨千仞而俯看似游身
於雲霓撫長風以延佇想凌天而舉翮瞻冠蓋之悠
悠覩商旅之接軌爾乃地勢窅隆丘墟陂隨墳隴嶮
疊棊布星羅松林摻映以攢列元木搜寥而振柯壯
漢氏之所營望五陵之崑峩喪亂起而啓壤僮豎登
而作歌

洛禊賦

前人

夫何三春之令月嘉天氣之氤氳和風穆以布暢百
卉曠而敷芬川流清冷以汪濊原隰葱翠以龍鱗游

魚灑潯於淥波元鳥鼓翼於高雲美節慶之動物悅
羣生之樂欣故新服之既成將禊除於水濱於是縉
紳先生嘯儔命友攜朋接黨冠童八九主希孔子孟賓
慕顏柳臨涯吟咏濯足揮手乃至都人士女奕奕祁
祁車駕岬岵充溢中遠粉葩翕習綠阿被湄振袖生
風接衽成幃若夫權威之家豪侈之族采騎齊鑣華
輪方轂青蓋雲浮參差相屬集乎長洲之浦曜乎洛
川之曲遂乃停輿蕙渚稅駕蘭田朱幔虹舒翠幕蜺
連羅樽列爵周以長筵於是布椒醕薦柔嘉祈休吉

蠲百痾漱清源以滌穢兮攬綠藻之纖柯浮素茆以
蔽水兮灑元醪於中河

濛汜池賦

張載

麗華池之湛淡開重壤以停源激通渠於千金承灑
洛之長川挹洪流之汪濊包素瀨之寒泉既乃北通
醴泉東入紫宮左面九市右帶閩風周牖建乎其表
洋波洄乎其中幽瀆傍集潛流獨注仰承河漢吐納
雲霧緣以彩石植以嘉樹水禽育而萬品珍魚產而
無數蒼苔泛濫修條垂幹綠葉覆水元蔭夾岸紅蓮

古今圖書集成
煒而秀出繁葩翹以煥爛遊龍躍翼而上征翔鳳因
儀而下觀想白日之納光覩洪暉之皓盱於是天子
乘玉輦時遨遊排金門出千秋造綠池鏡清流翳華
蓋以逍遙攬魚釣之所收纖緒挂而鱸鮓來芳餌沈
而鰕鯉浮豐夥踰於巨壑信可樂以忘憂

金谷序

石崇

余以元康六年從太僕卿出爲使節監監青徐諸軍
事征西將軍有別廬在河南縣界金谷澗中或高或
下有清泉茂林衆果竹柏藥草之屬莫不畢備又有

水碓魚池土窟其爲娛目歡心之物備矣時征西大
將軍祭酒王詡當還長安余衆賓共送往澗中晝夜
遊宴屢遷共坐或登高臨下或列坐水次時琴瑟笙
筑合載車中道路並作及住令鼓吹迭奏遂各賦詩
以敘中懷或不能者罰酒三斗感性命之不末懼彫
落之無期故列序時人官號姓名年紀又寫詩著後
後之好事者其覽之哉

閑居賦

潘岳

傲墳索之長圃步先哲之高衢雖吾顏之二云厚猶內

愧於甯蘧有道吾不仕無道吾不愚何巧智之不足而拙艱之有餘也於是退而閑居於洛之涘身齊逸民名綴下士陪京沂伊面郊後市浮梁黜以徑度靈臺傑其高峙窺天文之祕奧究人事之終始其西則有元戎禁營元幕綠徽谿子巨黍異綦同機礮石雷駭激矢螭飛以先啓行耀我皇威其東則有明堂辟雍清穆敞閑環林縈映圓海迴淵聿追孝以嚴父宗文考以配天祇聖敬以明順養更老以崇年若乃背冬涉春陰謝陽施天子有事於柴燎以郊祖而展義

張鈞天之廣樂備千乘之萬騎服振振以齊元管啾啾而並吹煌煌乎隱隱乎茲禮容之壯觀而王制之巨麗也兩學齊列雙宇如一右延國胄左納良逸祁祁生徒濟濟儒術或升之堂或入之室教無常師道在是則故髦士投紱名王懷璽訓若風行應如草靡此里仁所以爲美孟母所以三徙也爰定我居築室穿池長楊映沼芳枳樹籬遊鱗灑澗菡萏敷披竹木蒼藹靈果參差張公大谷之梨梁侯烏桺之柿周文弱枝之棗房陵朱仲之李靡不畢殖三桃表櫻胡之

別二柰曜丹白之色石榴蒲萄之珍磊落蔓衍乎其側梅杏郁棣之屬繁榮麗藻之飾華實照爛言所不能極也菜則葱韭蒜芋青笋紫薑董薺甘旨蓼芡芬芳藁荷依陰時藿向陽綠葵含露白薤負霜於是凜秋暑退熙春寒往微雨新晴六合清朗太夫人乃御版輿升輕軒遠覽王畿近周家園體以行和樂以勞宣常膳載加舊痾有痊席長筵列孫子柳垂陰車結軌陸摘紫房水挂蘋鯉或宴於林或禊於汜昆弟斑白兒童稚齒稱萬壽以獻觴咸一懼而一喜壽觴舉

慈顏和浮杯樂飲絲竹駢羅頓足起舞抗音高歌人生安樂孰知其他退求己而自省信用薄而才劣奉周任之格言敢陳力而就列幾陋身之不保尚奚擬於明哲仰衆妙而絕思終優游以養拙

黃河賦

成公綏

覽百川之弘壯兮莫尚美於黃河潛崑崙之峻極兮出積石之嵯峨登龍門而南遊兮拂華陰與曲阿凌砥柱而激湍兮於洛汭而揚波體委蛇於后土兮配靈漢於穹蒼貫中黃之畿甸兮經朔狄之遐荒歷二

古今圖書集成
周之北境兮流三晉之南鄉秦自西而啓壤兮齊據東而畫疆殷徒涉而未固衛遷濟而遂強趙決流而却魏羸引溝而滅梁思先哲之攸嘆何水德之難量

宜陽山注

北魏酈道元

宜陽山在縣南臧榮緒晉書稱孫登嘗經宜陽山作炭人見之與語登不應作炭者覺其精神非常咸來傳說太祖聞之使阮籍往觀與語亦不應籍因大嘯登笑曰復作響聲又爲嘯求與俱出登不肯籍因別去登上峯行且嘯如簫韶笙簧之音聲振山谷籍怪

而問作炭人作炭人曰故是向人聲籍更求之不知所止推問久之乃知姓名

營東京詔

隋煬帝

乾道變化陰陽所以消息沿創不同生靈所以順敘若使天意不變施化何以成四時人事不易爲政何以釐萬姓易不云乎通其變使民不倦變則通通則久有德則可久有功則可大朕又聞之安安而能遷民用丕變是故姬邑兩周如武王之意殷人五徙成湯后之業若不因人順天功業見乎變愛人治國者

古今圖書集成
可不謂歟然洛邑自古之都王畿之內天地之所合
陰陽之所和控以三河固以四塞水陸通貢賦等故
漢祖曰吾行天下多矣唯見洛陽自古皇王何嘗不
留意所不都者蓋有由焉或以九州未一或以困其
府庫作洛之制所以未暇也我有隋之始便欲創茲
懷維日復一日越暨於今念茲在茲興言感哽朕肅
膺寶曆纂臨萬邦遵而不失心奉先志今者漢王諒
悖逆毒被山東遂使州縣或淪非所此由關河懸遠
兵不赴急加以并州移居復在河南周遷殷人意在

於此况復南服遐遠東夏殷人因機順動今也其時
羣司百辟僉諧厥議但成周墟堵弗堪葺宇今可於
伊洛營建東京便卽設官分職以爲民極也夫宮室
之制本以便生上棟下宇足避風露高臺廣厦豈曰
適形故傳云儉德之共侈惡之大宣尼有云與其不
遜也寧儉豈謂瑤臺瓊室方爲宮殿者乎土堦采椽
而非帝王者乎是知非天下以奉一人乃一人以主
天下也民惟國本本固邦寧百姓足孰與不足今所
營構務從節儉無令雕牆峻宇復起於當今欲使卑

宮非食將貽於後世有司明爲條格稱朕意焉

三十三

此處包含多列垂直排列的、非常模糊且難以辨認的歷史文獻文字。其內容似乎與宮廷制度或禮儀有關，但由於字跡不清，無法進行準確的OCR轉錄。



